

【跋山】劉玉蕉原作

天吉光，狗吉吠，阿姆斯特在咻咧！「阿榮啊，好疏咧，日頭愛出來哩啲！」

「阿珍珠，遽遽著鞋啲，愛出門哩啲！」

天甫甫光，日頭還在睡目，吾等一家屋斯目擘擘起腳行，共下去跋小中崙山咧。山路狹狹，草面頂個露水吉散，分吾等個腳徑啊著，斯歸串歸串碾落地泥，一粒一粒金哲斯像珍珠個樣，靚都奈毋得！吾心肝肚偷偷恹：若用厥等來串一條珍珠敲鍊，送分阿姆戴，毋知幾靚哦！

涼爽個風，一陣一陣吹來，路脣個花花草草，分佢吹去領頭拘腰寬寬行禮，斯像該戲臺面頂，落力表演個大明星共樣。行到山下，老妹招佢拚輸贏，看麼人使得先跋上山棟頂。兩儕斯恁泥頭磬磬，麼人都毋認輸，相爭拚往上。偌座大當然輸毋得，歸路毋敢停途，擲鼻嘆嘆大氣轟天，直直拚上山，跋到山頂，抓緊心臟，佢啊跳去硬硬像愛恬撇個樣哦！

「哇！山頂個風當涼呢！」看往下，老妹還在半山排，一個面頰卵紅啾啾，偌看哪，廟肚個關公都無佢恁紅哦！一張嘴擘啊擘，

又像細狗在敬氣，實在有罇古董，有罇好笑！

山頂個風，特別清，特別涼爽，風裡肚有東勢果子個香氣，有花花草草個清甜味瑞，這風吹都人歸身鬆爽，吹都人透心涼，進前跋山個艱苦，到這下也做下毋記得咧！樹頂絡食個鳥濟濟借借，跳上跳落叫無停，草竇個蟲毋願輸佢，也唧唧滾應聲。打早，山頂斯恁泥鬧熱濟濟咧！遠望該山下，遠遠個東勢，到今還蒙核一層紗，在蒙紗煙肚睡都毋知好醒呢！

「遽遽，大家看！還靚哦！」

東片個雲像點胭脂個樣，紅霞紅霞，紅霞退撇，係千條萬條個金色光，對山個背後射出來，無幾久，一粒大火球，斯對山頭跳出來咧，最都人擘毋開目，最都蒙紗遽遽隱身。日時頭個事頭，對這下正正式起勢呢！

企在山棟頂，吾等放勢享受打早個光景，登高眺望個開闊視野，分人心情快活，分人知得感恩，感恩大自然賜分人恁泥個好環境。阿爸長在講：「早疏床個鳥斯有蟲好食。」到這下，偌總算體會著這句話個意思咧！

【 鮪 鯪 】 羅紫云原作

「羞羞羞，羞羞羞，無面見阿舅，阿舅草鞋，鮪鯪鑽入泥。」聽著這首童謠時，玄玄風恆著頭擺讀書該下，鮪鯪，帶分佢永久記得，發夢都會流口涎个幸福，到今還清清楚楚。

鮪鯪，麼个都食，係一種當特別个淡水魚，生活在河壩、陂塘、田肚、圳溝，深灰色个圓身帶有烏花，頭那細細，目珠乜細細，還有生鬚，圓身圓圓 3、4 寸長滑溜溜，肉質當幼，營養價值高，使得入藥，養身功效好，還係一路當好个「桌心菜」，正有「水中之參」个講法哦！

較早該下，農藥無恁時行，有水有濫泥个位所，滿哪都會生鮪鯪，田肚一年四季都有，捉都捉毋撒。鮪鯪滑溜溜，平常時無恁該捉，一年之中有兩擺盡好捉，一擺係「煤秋」，也有人講「煤鯪」，立秋過後，天時還當熱，秋老虎出現，鮪鯪分田水燒去昏哆哆，肚屎貶白貶白浮在水肚看現現，吾等斯相賽拿錫桶、細鑊、鮪鯪籃，在田項拈鮪鯪，兩下半斯一桶，暢都暢合毋密。還一擺係冬禾割起來，收冬後，耕種人會犁田，同泥坯搗起來分日頭晒，來年正會有好收成。阿爸係耕田人，到阿爸犁田該下，佢斯會擺緊錫桶，跔在

<sup>1</sup> 煤鯪：音 sab<sup>1</sup> ciu+；水煮泥鯪。

阿爸後背拈鮪鯪，吾目珠金，手腳遽，一尾都毋會瀉走，長在都歸桶歸桶擺轉屋家，交分阿姆處理。

阿姆講：「鮪鯪，愛富養有兩日，分佢呸泥呸淨來，放兜鹽落去分佢涸，厥歸身黏黏个瑜膏斯會鼓淨淨，正來放落鑊頭肚用柔柔个火，慢慢煨燥來，臨尾用闊口甕張起來，到愛煮之時，撮一撮，放兜薑麻絲、七賢插、蔭豉，過滴一屑屑豆油落去，香噴噴个一盤上等鮪鯪料理斯出桌咧。」一家大細目瞑瞑<sup>2</sup>看這盤「桌心菜」，密密挾無停，該斯還扯飯哦！長在愛食加幾碗飯。

這乜係吾个飯包菜，有一擺，有一個都市好額个同學，食畫該下行上行落，佢想這毋成菜敗勢分佢看著，會見笑，飯包蓋揸起來，無想著嘎錫來厥个注意，硬硬愛試食，了後，幹頭，將自家飯包肚个雞髀、煙腸做下同佢換鮪鯪，還講：「高毛嫻，這恁好食个東西，仰好自家偷偷食。」自這擺過後，吾个飯包蓋毋識過揸，因為佢知咧，佢有个佢無，佢有个佢無，大家相交菜來食，係當生趣个事，這乜係佢第一擺食著煙腸，感覺還幸福哦～

頭擺便宜都像狗屎个鮪鯪，今這下一斤嘎愛幾百銀正買得著，時代正經變咧！

<sup>2</sup> 目瞑瞑：音 mug<sup>1</sup> zhim<sup>1</sup> zhim<sup>1</sup>；睜大雙眼看。

【擲牙齒】陳美燕原作

頭擺個時代，生活環境無現下恁好，衛生教育還言普遍，大家對保護牙齒個觀念也無恁清楚。像佢，斯朝鬚頭炕床洗一擺牙齒忒等，嘴又豺，當好食糖，所以，自細佢對牙齒疾個印象當深。

牙齒一疾啊起來會致命哦～細人嗽去唉唉嘆<sup>1</sup>，大人無結無煞。該當時無麼個止疾藥，阿姆喊佢：「冷水含核！毋好緊嗽！」講越嗽會越疾。到尾，換牙該下，阿姆吩咐，試著舊牙有一滴滴搖，斯愛用舌嫌緊咬<sup>2</sup>，過用兩枝手指拈緊牙齒搖分佢敲，使毋得癢癢<sup>3</sup>驚疾。若係毋煞猛搖，等新牙暴出來無位好企個時節，「歸口牙齒生去歪梨孀瓜<sup>4</sup>，該正醜哪～」阿姆逐擺恁泥半嚇半拐佢。

細門牙鬚項該兩枝「虎牙」也已重要，阿姆講無較細義兜，暴出尖尖翹個「豬哥牙」來，該就死皺咧哪！一半下，佢看佢懶尸、無要無緊個樣，將就拿一條白車線，將吾牙齒綯纏纏<sup>5</sup>，出力一掙<sup>6</sup>，

<sup>1</sup> 唉唉嘆：音 ai+ ai+ rho<sup>ˋ</sup> rho<sup>ˋ</sup>；哭個不停。

<sup>2</sup> 西：音 te<sup>ˋ</sup>；用舌頭往外推。

<sup>3</sup> 癢癢：音 rhong+ ve+；嬌慣，動輒大叫。

<sup>4</sup> 歪梨孀瓜：音 nguai+ li<sup>ˋ</sup> fe<sup>ˋ</sup> gua+；形容歪斜不正。

<sup>5</sup> 綯纏纏：音 to<sup>ˋ</sup> hen<sup>ˋ</sup> hen<sup>ˋ</sup>；綁得緊緊的。

<sup>6</sup> 掙：音 dui<sup>ˋ</sup>；用力扯。

牙齒斯跔緊白線飛出來咧。上顎擲著個牙齒，腳愛企比比<sup>7</sup>擲去眠床下；下顎擲著個愛擲上屋頂，講恁泥牙齒生來正會齊。

記得佢有一枝後角個大牙，係分做「撮把戲」個人擲撒個。該當時，佢讀小學兩年生，有戲班來莊頭做戲兼賣藥。厥等賣一種止疾藥水，講牙齒疾個時節點落去使得止疾，牙齒擲撒了後來點，較遽收口止血。佢問現場個細人：「有麼人牙齒敲敲無？佢同佢擲毋使錢哦～」緊講緊行到吾面頭前，奇怪呢，佢都無講愛分佢擲啊！佢憂喊佢嘴擘開開，擎一枝鈹，手腳伶俐一下斯同吾牙齒擲撒咧。背尾佢想，定著係企吾後背個阿姆偷偷同佢講個。

到較大咧，了解牙齒個重要性，曉得細義注意牙齒個健康。當愛靚個佢，逐擺看著自家個牙齒生來齊齊無歪撒，正如愛勞歷歷阿姆該當時恁有耐心教佢。

<sup>7</sup> 比比：音 be<sup>ˋ</sup> be<sup>ˋ</sup>；齊。

【蹶山】劉玉蕉原作

天吉光，狗吉吠，阿媽就在該咻哩！「阿榮啊，好疏哩，日頭愛出來哩啲！」

「阿珍珠，遽遽著鞋啲，愛出門哩啲！」

天甫甫仔光，日頭還在該睡目，僇兜一屋下人就目學學仔起腳行，共下去蹶小中嶺山哩。路狹狹仔，草面頂个露水吉散，分僇兜个腳徑啊著，就歸串歸串碾落地泥，一粒一粒金簪像珍珠樣仔，靚到耐毋得！吾心肝肚偷偷想：若係用佢兜來串一條珍珠敲鍊，送分阿姆戴，毋知幾靚仔哦！

涼爽个風，一陣一陣吹來，路脣个花花草草，分佢吹到搖頭拗腰，領頭行禮，就像該戲臺面頂，煞猛表演个大明星共樣。行到山下，老妹湊僇拚輸贏，看麼人先跋上山嶼頂去。兩儕就恁樣頭磬磬，麼人都毋認輸，相爭拚往上。僇座大當然輸毋得，歸路毋敢停跔，鼻噴噴大氣緊啟，直直拚上山，蹶到山頂，撒等心臟，佢斯跳到硬硬像愛恬忒樣仔哦！

「哇！山頂个風當涼呢！」看往下，老妹還在半山排，厥个面頰卵紅啾啾仔，僇看哪，廟肚个關公都無佢恁紅哦！一張嘴學啊學

仔，又像細狗仔啟氣，實在還古董，還好笑！

山頂个風，特別清，特別涼爽，風裡肚有東勢果子个香氣，有花花草草个清甜味緒，這風吹到人歸身仔鬆爽，吹到人透心涼，進前蹶山个艱苦，到這下也做下毋記得也！樹頂絡食个鳥仔嘰嘰啾啾，跳上跳下叫無停，草實个蟲仔毋願輸佢，也唧唧滾滾應聲。打早，山頂就恁仔鬧熱嘰嘰哩！眺望該山下，遠遠个東勢，到今還蒙等一層紗，在濛紗煙裡肚睡到毋知好醒呢！

「遽遽，大家看！還靚哦！」

東片个雲像打吡粉樣仔，紅霞紅霞。紅霞退忒，係千條萬條个金色光，對山仔个後背射出來，無幾久，一粒大火球，就對山頭跳出來哩，晟到人學毋開目，晟到濛紗遽遽隱身。日時頭个事頭，對這下正正式起勢呢！

企在山棟頂，僇兜放勢恬享受打早个光景，登高眺望个開闊視野，使人心情快樂，分人知得感恩，感恩大自然賜分僇人恁仔个好環境。阿爸長透講：「早疏床个鳥仔就有蟲仔好食。」到這下，僇總算體會著這句話个意思哩！

【鮑鯁仔<sup>1</sup>】羅紫云原作

「羞羞羞，羞羞羞，無面見阿舅，阿舅打草鞋，鮑鯁鑽入泥。」聽著這首童謠，蹉等會想著頭擺讀書該下，鮑鯁仔，帶分俚永久記得、發夢就會流口涎个幸福，到今還清清楚楚。

鮑鯁仔，麼个都食，係一種當特別个淡水魚，生活在河壩、陂塘、田坵肚，深灰色有烏斑，頭那細細仔，目珠也細細仔，還有生鬚，圓身圓圓3、4寸長滑溜溜仔，肉質當幼，營養價值高，做得做藥，養身功效好，還過係一品當好个「桌小菜」，故所正會有「水中之參」个講法。

較早該下，農藥無恁時行，總愛有水有濫泥个位所，滿哪仔就會有鮑鯁仔，尤其係田坵肚，一年四季都有好收成，捉就捉毋忒。鮑鯁仔滑溜溜仔，平常時無恁該捉佢。記得一年有兩擺盡好捉，一擺係「煎秋日」，也講「煎鯁日」，立秋過後，天時還當熱，秋老虎出現，鮑鯁仔分田水燒到昏哆昏哆<sup>2</sup>，走出來分人看現，大人細子相賽掙等錫桶在田項撈鮑鯁仔，兩下半就一桶，暢到嘴都合毋掙。還有一擺係冬禾割起來，收冬過後，耕種人會犁田，撈泥坯搗起來分日頭晒，來年正會有好收成。吾爸係耕田人，到阿爸犁田該下，

<sup>1</sup> 鮑鯁仔：音 fu<sup>3</sup> qiu<sup>3</sup> e<sup>3</sup>；泥鯁。

<sup>2</sup> 昏哆昏哆：音 fun<sup>3</sup> de<sup>3</sup> fun<sup>3</sup> de<sup>3</sup>；糊塗、精神意識不清楚的意思。

俚就會掙等錫桶，蹉等阿爸後背拈鮑鯁仔。吾目珠金，手腳遠，一尾也毋會分佢漂走<sup>3</sup>，長透也歸桶歸桶仔掙轉屋下，交分阿姆處理。

阿姆講：「鮑鯁仔，愛養成兩日仔，分佢呷<sup>4</sup>泥呷淨來，放兜仔鹽落去分佢洵洵啊，厥圓身黏黏液膏个就會敲淨淨，正來放落鑊肚用柔仔个火，慢慢仔焗燥來，用盃仔張起來。到愛煮个時節，撮一撮鮑鯁仔，放兜仔薑絲、七層塔、烏豆豉，過滴一息豆油落去，香噴噴个一盤上等鮑鯁仔就出桌咧。」一家大細斯撒等這盤「桌小菜」，密密挨無停，該斯還扯飯喔！長透都愛食加幾下碗飯添。

還過這也係吾个飯筍仔菜，有一擺，有一個都市好額个同學食晝該下行上下，俚想這毋成菜敗勢分佢看著，會見笑，飯筍蓋仔煞煞拚起來。無想著嘎錫來佢个注意，強強愛試食，過後，佢幹轉頭，撈自家个飯筍仔拿過來，雞髀、煙腸做下撈俚換換鮑鯁仔，還講：「孤盲嫌，這恁好食个東西，仰好自家偷偷仔食。」自這擺過後，俚个飯筍蓋仔毋識揜，因為俚知咧，俚有个佢無，佢有个佢無，大家互相交換食个係一件當生趣个事情，這也係俚第一擺食著煙腸，感覺還幸福哦！

頭擺便宜過火灰个鮑鯁仔，這下一斤愛幾下百銀正買得著，時代正經變咧！

<sup>3</sup> 漂走：音 piu zeu<sup>3</sup>；滑走。

<sup>4</sup> 呷：音 pi<sup>3</sup>；從嘴巴裡用力將東西吐出來。

【擲牙齒】陳美燕原作

頭擺個時代，生活環境無現下恁好，衛生教育還言普遍，大家對保護牙齒個觀念也無恁詳細。像佢，就朝晨頭就搥一擺牙齒定定，嘴又豺<sup>1</sup>，當好食糖仔；故所，佢對自家做細人仔個時節，輒輒牙齒痛個印象當深。

牙齒一痛啊起來，會收人個命哩！細人仔噉到噉噉殺天<sup>2</sup>，大人無結無煞。該央時無麼個止痛藥，阿媽喊佢：「冷水含等！毋好緊噉！」講越噉會越痛。背尾，換牙齒該下，阿媽吩咐佢：試著舊牙有一滴仔搖，就愛用舌嫌緊西<sup>3</sup>，續等，兩支手指拈等牙齒搖分佢啟，做毋得羊噉<sup>4</sup>驚痛。若係毋煞猛牯搖，等新牙暴出來無位仔好企個時節，「歸口牙齒生到歪哥泊杖<sup>5</sup>，該就媞哩啲！」阿媽逐擺恁樣嚇佢。

細門牙旁脣該兩支「虎牙」也盡重要，阿媽講無較細義兜仔，暴出尖尖翹個「豬哥牙」來，該就壞蹄地哪！成時，佢看佢懈懈

<sup>1</sup> 豺：音 sai<sup>ˋ</sup>；嘴饞、貪吃的樣子。

<sup>2</sup> 噉噉殺天：音 ve<sup>ˋ</sup> vong<sup>ˋ</sup> sad<sup>ˋ</sup> tien<sup>ˋ</sup>；高聲呼叫。

<sup>3</sup> 西：音 te<sup>ˋ</sup>；用舌頭往外推。

<sup>4</sup> 羊噉：音 iong<sup>ˋ</sup> ve<sup>ˋ</sup>；嬌慣，動輒大叫。

<sup>5</sup> 歪哥泊杖：音 vai<sup>ˋ</sup> go<sup>ˋ</sup> qi ca；歪斜不正。

怠怠<sup>6</sup>、無要無緊樣仔，將就拿一條白車線，膠吾牙齒綯纏纏，出力一挽<sup>7</sup>，牙齒就跔等白線飛出來咧。上齡<sup>8</sup>擲著個牙齒，腳愛企比比<sup>9</sup>擲去眠床下；下齡擲著個愛擲上屋頂，講恁樣牙齒生著正會齊。

記得佢有一支後角個大牙，係分做「撮把戲」個人擲忒个。該央時，佢讀小學兩年生，有戲班仔來莊頭做戲兼賣藥仔。但兜賣一種止痛藥水，講牙齒痛個時節點點落去做得止痛，牙齒擲忒了後來點，較遽收口止血。佢問現場個細人仔：「有麼儂个牙齒啟啟無？佢膠佢毋使錢呢！」佢緊講緊行到吾面前。奇怪哩，佢就無講愛分佢擲啊！佢噉喊佢嘴擊打開開，擎一支鈹仔，手腳伶俐就膠吾牙齒擲忒咧。背尾佢想，定著係企在後背个阿媽偷偷膠佢講个。

到較大來，了解牙齒个重要性，曉得細心細意注意牙齒个健康。當愛靚个佢逐擺看著自家个牙齒生到齊齊無歪忒，正知愛感謝阿媽該央時恁有耐心教佢。

<sup>6</sup> 懈懈怠怠：音 hai hai tai tai；懶散不勤勞。

<sup>7</sup> 挽：音 dui<sup>ˋ</sup>；用力拉特定對象，使其脫離原本所在的位置。

<sup>8</sup> 上齡：音 song ngam<sup>ˋ</sup>；上顎。

<sup>9</sup> 企比比：音 ki<sup>ˋ</sup> be<sup>ˋ</sup>；站齊。

【跋山】劉玉蕉原作

天旨光，狗咭吠，阿姆就在該喊咗！「阿榮啊，好跣咗，日頭晒屎咗咗！」

「阿珍珠，遽遽著鞋啲，愛出來啲！」

天甫甫仔光，日頭還在該睡目，佢等歸家人就目學學起腳行，共下去跋小中崙山咗。路狹狹，草面頂个露水毋曾散，分佢等个腳徑啊著，就歸串歸串碾下地泥，一粒一粒金晷晷像珍珠樣仔，靚啊耐毋得！佢心肝肚偷偷慚：若用佢等來串一條珍珠殼鍊，送分阿姆戴，毋知幾靚哦！

涼爽个風，一陣一陣吹來，路脣个花花草草，分佢吹去領頭拗腰緩緩行禮，就像該戲臺面頂，盡力表演个大明星共樣。行到山下，老妹邀佢拚輸贏，看麼人做得先跋上山頂高去。兩個人就恁呢頭頭磬磬，麼人都毋認輸，相爭拚往上。佢座大當然輸毋得，歸路毋敢停頓，鼻噴噴大氣緊敲，直直拚上山，跋到山頂，扭等心臟，親像跳去硬硬愛恬核樣仔哦！

「哇！山頂个風蓋涼呢！」看啊下，老妹還在半山排，一個面頰卵紅啲啲，佢看哪，廟肚个關公都無佢恁紅哦！一張嘴學啊學，

又像細狗仔在該敬大氣，實在有罇古琢，有罇好嚟！

山頂个風，特別清，特別涼爽，風裡肚有東勢果子个香氣，有花花草草个清甜味緒，這風吹啊人歸身鬆爽，吹啊人透心涼，進前跋山个艱苦，到這下也做下毋記得咗！樹頂絡食个鳥仔唧唧啲啲，跳上跳下叫無停，草堆頂个蟲仔毋願輸佢，七唧唧滾應聲。打早，山頂就恁呢鬧熱濟啲！遠看該山下，遠遠个東勢，到今還蒙等一層紗，在蒙紗煙肚睡都毋知好醒呢！

「遽遽，大家看！還靚哦！」

東片个雲像點點胭脂樣仔，紅霞紅霞，紅霞退核，係千條萬條个金光，對山个背頂射出來，無幾久，一粒大火球，就對山頭跳出來咗，晟啊人學毋開目，晟啊濛紗遽遽隱身。日時頭个事頭，對這下正正式開始呢！

企在山頂高，佢等自在享受打早个光景，登高遠看个闊野野个平洋，分人心情爽快，分人知得感恩，感恩大自然賜分佢等恁仔个好環境。阿爸不時在講：「早跣床个鳥就有蟲仔好食。」到這下，佢總算體會著這句个意思咧！

【 鮑鰍仔 】 羅紫云原作

「 羞羞羞，羞羞羞，無面見阿舅，阿舅打草鞋，鮑鰍鑽入泥。」聽著這首童謠時，隨想著頭擺讀書該下，鮑鰍仔，帶分佢永久記得，發夢就會流口涎水个幸福，到今還清清楚楚。

鮑鰍仔，麼个都會，係一種蓋特別个淡水魚，生活在河壩、陂塘、田坵肚，深灰色有烏斑，頭那細細仔，目珠也細細仔，還有生鬚，歸尾仔圓圓，3、4寸長，滑溜溜仔，肉質蓋幼，營養價值高，做得做藥仔，養身仔功效也好，還過係一種蓋好个「桌心菜」，故所正有「水中之參」个講法哦！

過早該下，農藥無恁時行，斯愛有水有濫泥个所在，一哪仔就會有鮑鰍仔，尤其係田坵肚，一年四季都有好收成，扭就扭母核。鮑鰍仔滑溜溜仔，平常時無恁好扭，記得一年有兩擺盡好扭，一擺係「煎秋日」，也講「煎鰍日」，立秋過後，天時還蓋熱，秋老虎出現，鮑鰍仔分田水燒到昏叻昏叻，走出來看現現，相爭擺等錫桶在田項撈鮑鰍仔，兩下半就一桶，暢到合嘴毋拏。還有一擺係冬禾割起來，收冬後，耕種人會犁田，將泥坯掄起來分日頭晒，來年正會有好收成。

佢爸係耕田人，到阿爸犁田該下，佢就會擺等錫桶，跔等阿爸

後背拈鮑鰍仔，佢目珠金，手腳遽，一尾也毋會漂走，一尾也歸桶歸桶擺歸桶屋下，交分阿姆處理。

阿姆講：「鮑鰍仔，愛養成兩日仔，分佢呷泥呷淨來，放兜仔鹽落去分佢呷啊，厥圓身頂黏个輸膏<sup>1</sup>就會落淨淨，正來放入鑊仔肚，用柔柔仔个火，慢慢仔焗燥來，過用盃仔張起來，到愛煮个時節，撮一撮鹽，放兜仔薑絲、七層塔、豆豉脯，過跌一息豆油落去，香馥馥个一盤上等鮑鰍仔就出桌也。」歸家大細就撒等這盤「桌心菜」，琢琢仔扶無停，實在還扯飯喔！不時愛食加幾碗飯。

還過這也係佢个飯包菜，有一擺，有一個都市有口<sup>2</sup>个同學畫該下行下，佢想這毋成菜<sup>3</sup>，壞勢分佢看著，會見笑，飯包蓋仔遽啊奔起來，無想著嘎錫來佢个注意，硬硬愛試食，過後，幹轉頭，將佢自家个飯包拿過來，雞脾、灌腸做一一下同佢交鮑鰍仔，還講：「山猴嫌，這恁好食个東西，仰好自家偷偷仔食。」自這擺過後，佢个飯包蓋仔毋識奔過，因為佢知也，佢有个佢無，佢有个佢無，大家互相交換食个，係一件蓋趣妙个事情，這也係佢第一擺食著灌腸，感覺還幸福哦～

頭擺仔便宜過火灰个鮑鰍仔，這下一斤嘎愛幾百个銀正買得著，時代正式變也！

<sup>1</sup> 輸膏：音 iè' go'；濕濕黏黏的液狀物。

<sup>2</sup> 有口：音 iu' heu'；形容富有的人。

<sup>3</sup> 毋成菜：音 m' sang' coi'；不像樣的菜色。



【擲牙齒】陳燕原作

頭擺個時代，生活環境無這下恁好，衛生教育還毋曾普遍，大家對保護牙齒個觀念乜無恁詳細。像佢，淨朝晨頭刷牙洗一擺牙齒定定，嘴又好好食，蓋好食糖仔，故所，佢對自家做細人仔個時節，不時牙齒痛個印象蓋深。

牙齒一痛啊起來會收人命喔～細人仔教到哇天輟地<sup>1</sup>，大人無結無煞。該下仔無麼個止痛藥，阿姆喊佢：「冷水含等！毋好緊嗽！」講越嗽會越痛。臨尾，換牙齒該下，阿姆吩咐，測著舊牙係有息把仔搖，就愛用舌嫌緊啗，續等，兩枝手指拈拈等牙齒搖畀落，做毋得癢喊驚痛。係毋煞猛搖，等新牙暴出來無位仔好企個時節，「歸口牙齒生到契梨罎瓜<sup>2</sup>，該就蓋醜喔～」阿姆每擺恁仔嚇佢。

細門牙脣口該兩枝「虎牙」乜盡重要，阿姆講無過細義兜仔，暴出尖尖翹個「豬哥牙」來，該就壞蹄吔哪！有時節佢看佢懈懈怠怠、無搭無確個樣仔，將就拿一條白線，將佢個牙齒縳縳<sup>3</sup>，出

<sup>1</sup> 哇天輟地：音 va' tien' zan ti；大聲哭喊。

<sup>2</sup> 契梨罎瓜：音 ngau' li' fe' gua'；歪曲不正。

<sup>3</sup> 縳縳：音 tag' hen' hen'；綁得緊緊的。

力一掙<sup>4</sup>，牙齒就跔等白線飛出來吔。上顎擲核個牙齒，腳愛企比比，擲去<sup>5</sup>眠床腳下；下顎擲核個愛擲上屋頂，講恁仔牙齒正會生過齊。

記得佢有一枝後角個大牙板，係分做「擲把戲」個人擲核個。該下仔，佢讀小學二年生，有戲班仔來莊頭做戲搭賣藥仔。佢等賣一種止痛藥水，講牙齒痛個時節點落去就做得止痛，牙齒擲核過後來點，過遠收口止血。佢問現場個細人仔：「有麼人個牙齒落落<sup>6</sup>無？佢同佢擲毋使錢喔～」一片講一片行到佢個面前，奇怪吔，佢就無講愛分佢擲啊！佢嘎喊佢嘴學學打開開，拿一支鋏仔，手板蓋遮，一下仔就將佢個牙齒擲核吔。背尾佢想，定著佢企在後背個阿姆偷偷同佢講個。

過大後正了解牙齒個重要性，曉得細心細義注意牙齒個保健。過愛覷個佢每擺看著自家個牙齒生到齊齊無歪核，正知愛多謝阿姆該下仔恁有耐心教佢。

<sup>4</sup> 一掙：音 id' dui'；用力拔。

<sup>5</sup> 擲去：音 jied hi；丟到。

<sup>6</sup> 落落：音 lod' lod'；鬆脫。

【蹶山】劉玉蕉原作

天吉光，狗吉吠，阿姆斯在該大聲喊咧！「阿榮啊，好跣咧，日頭愛出來哩啲！」

「阿珍珠，遽遽著鞋啲，愛出門哩啲！」

天曠光，日頭還在該瞇目，偌一屋人斯日學學起腳行，共下去蹶小中崙山咧。路狹狹，草面頂个露水吉散，分偌兜个腳徑啊著，斯歸串歸串碾落地泥，一粒一粒金哲哲像珍珠樣，靚到奈毋得！偌心肝肚偷恷：係用佢兜來串一條珍珠敲鍊，送分阿姆戴，毋知幾靚哦！

涼爽个風，一陣一陣吹來，路脣个花花草草，分佢吹到領頭拗腰定仔行禮，斯像該戲臺頂，盡力表演个大明星共樣。行到山下，老妹招偌拚輸贏，看麼人做得先蹶上山崙頂去。兩儕斯恁樣頭磬磬，麼人都毋認輸，相爭拚往上。偌座大當然輸毋得，歸路毋敢停跔，鼻噴噴大氣緊啟，直直拚上山，蹶到山頂，抓等心臟，佢啊跳到硬硬像愛恬忒樣哦！

「哇！山頂个風還涼哦！」看往下，老妹還在半山排，一隻面頰卯紅啾啾，偌看啊，廟肚个關公都無佢恁紅哦！一張嘴擘啊擘，

又像細狗在該啟氣，實在還古董，還好笑！

山頂个風，特別清，特別涼爽，風裡肚有東勢果子个香氣，有花花草草个清甜味緒，這風吹到人歸身鬆爽，吹到人透心涼，頭下蹶山个艱苦，到這下也做下毋記得咧！樹頂絡食个鳥仔濟濟借借，跳上跳下叫無停，草竇肚个蟲仔毋願輸佢，也唧唧滾滾應聲。打早，山頂斯仰般熱鬧濟借咧！眺望該山下，遠遠个東勢，到今還蒙等一層紗，在濛紗煙肚都毋知好醒呢！

「遽遽，大家看！還靚哦！」

東片个雲像點胭脂樣，紅霞紅霞，紅霞退忒，係千條萬條金色个光，對山个背後射出來，無幾久，一隻大火球，斯對山頭跳出來咧，晟到人惹毋開目，晟到濛紗遽遽藏身。日時頭个事頭，對這下正正式起勢呢！

企在山崙頂，偌兜放勢享受打早个光景，登高眺望个開闊眼界，分人心情爽快，分人知得感恩，感恩大自然賜分偌俚恁好个環境。阿爸長下講：「早跣床个鳥仔斯有蟲仔好食。」到這下，偌總算體會著這句話个意思咧！

【**鮑鰍仔**】羅紫云原作

「羞羞羞，羞羞羞，無面見阿舅，阿舅打草鞋，鮑鰍鑽落泥。」聽著這首童謠時，黏皮想著頭擺擺讀書該下，鮑鰍仔，帶分偌永久記得，發夢就會流水个幸福，到今還清清楚楚。

鮑鰍仔，麼个都食，係一種當特別个淡水魚，生活在河壩、陂塘、田竇肚，深灰色有烏斑，頭那細細，目珠也細細，還有生鬚，臚身圓圓3、4寸長滑溜溜，肉質當幼，營養價值高，做得做藥仔，養身功效好，還較係一路當好个「桌心菜」，所以正有「水中之參」个講法哦！

較早該下，農藥無恁時行，斯愛有水有濫泥个位所，滿哪仔就會有鮑鰍仔，尤其係田竇肚，一年四季都有好收成，捉就捉毋忒。鮑鰍仔滑溜溜，平常時無恁該捉，記得一年有兩擺盡好捉，一擺係

「煎秋日」，也講「煎鰍日」，立秋過後，天時還當熱，秋老虎出現，鮑鰍仔分田水燒到昏哆昏哆<sup>1</sup>，走出來看現現，相賽擺等錫桶在田肚撈鮑鰍仔，兩下半斯一桶，暢到嘴合毋密。還一擺係冬禾割起來，收冬後，耕種人會犁田，膠泥坯搗起來分日頭晒，來年正會有好收成。偌爸係耕田人，到阿爸犁田該下，偌就會擺等錫桶，跔等阿爸

後背拈鮑鰍仔，偌目珠金，手腳遽，一尾也毋會擲走，長透乜歸桶歸桶擺轉屋下，交分阿姆處理。

阿姆講：「鮑鰍仔，愛養成兩日，分佢呸泥呸淨來，放兜鹽落去分佢泗泗仔，佢臚身黏黏瑜膏个就會敲淨淨，正來放落鑊孃孃肚用柔柔个火，慢慢仔焗燥來，用盆仔張起來，到愛煮該時，撮一撮，放兜薑孃絲、七層插、烏豆豉，過滴一點點豆油落去，香噴噴一个盤上等鮑鰍仔就出桌咧。」一家大細斯撒等這盤「桌心菜」，密密挾無停，該斯還扯飯哦！長透愛食加幾下碗飯。

還過這乜係偌个飯包菜，有一擺，有一個都市好額个同學，食畫該下行上行下，偌想這毋成菜敗勢分佢看著，會見笑，飯筲蓋煞煞拈起來，無想著嘎錫來佢个注意，強強愛試食，了後，幹轉頭，膠自家个飯筲仔拿過來，雞髀、煙腸做下膠偌換換鮑鰍仔，還講：「孤盲孃，這恁好食个東西，仰好自家偷偷仔食。」對這擺過後，偌个飯筲蓋毋識揜，因為偌知咧，偌有个佢無，佢有个偌無，大家互相交換食个係一件當生趣个事情，這乜係偌第一擺食到煙腸，感覺還幸福哦！

頭擺便宜過火灰个鮑鰍仔，這下一斤價愛幾下百銀正買得著，時代正經變咧！

<sup>1</sup> 昏哆昏哆：音 fun de fun de；精神意識不清楚的樣子。

【擲牙齒】陳美燕原作

頭擺個時代，生活環境無遠下恁好，衛生教育還吉普遍，大家對保護牙齒個觀念也無恁詳細。像係，斯朝晨頭就洗一擺牙齒定定，嘴又豺，當好食糖仔，所以，係對自家做細人仔個時節，輒輒牙齒痛個印象當深。

牙齒一痛啊起來會收命！細人仔嗽到噉噉殺天，大人無結無煞。該量時無麼個止痛藥，阿姆喊係：「冷水含等！毋好緊嗽！」講越嗽會越痛。背尾，換牙該下，阿姆吩咐，試著舊牙有滴仔搖，就愛用舌嫵緊西，續等，兩支手指拈拈等牙齒搖分佢敲，做毋得癢嘍！驚痛。那係毋煞猛搖，等新牙暴出來無位仔好企個時節，「歸口牙齒生到歪哥泊杈<sup>2</sup>，該斯嫲呢！」阿姆逐擺恁樣嚇係。

細門牙脣頭該兩支「虎牙」也盡重要，阿姆講無較細義兜仔，暴出尖尖翹個「豬哥牙」來，該就壞蹄咧哪！成時，佢看係懈懈怠怠<sup>3</sup>、無要無緊樣，將就拿一條白車線，膠係個牙齒綯纏纏，出力

<sup>1</sup> 癢嘍：音 rhong' vo'；嬌慣，動輒大叫。

<sup>2</sup> 歪哥泊杈：音 uai go ci' ca'；歪斜不正。

<sup>3</sup> 懈懈怠怠：音 hai+ hai+ tai+ tai+；疏懶拖延。

一挽<sup>4</sup>，牙齒就跔等白線飛出來咧。上顎擲著個牙齒，腳愛企比比擲眠床下去；下顎擲著個愛擲上屋蓋頂，講恁樣牙齒生著正會齊。

記得係有一支後角個大牙，係分做「撮把戲」個人擲忒个。該量時，係讀小學兩年生，有戲班仔來莊頭做戲兼賣藥仔。佢兜賣一種止痛藥水，講牙齒痛個時節點落去做得止痛，牙齒擲忒了後來點，較遽收口止血。佢問現場個細人仔：「有麼儕牙齒敲敲無？係膠佢擲毋使錢哦！」一頭講一頭行到佢個面頭前，奇怪咧，係就無講愛分佢擲啊！佢嘎喊係嘴擊擊打開開，擎一支鉸仔，手腳伶俐就膠係個牙齒擲忒咧。背尾係想，定著係企在後背个阿姆偷偷膠佢講个。

到較大來，了解牙齒个重要性，曉得細心細意注意牙齒个健康。當愛觀个係逐擺看著自家个牙齒生到齊齊無歪忒，正知愛承蒙阿姆該量時恁有耐心教係。

<sup>4</sup> 挽：音 dui'；用力拉。

<sup>5</sup> 上顎：音 shong+ ngong'；上頤。

【跋山】劉玉蕉原作

天吉光，狗吉吠，阿依即在咻啊！「阿榮啊，好起來，日頭討出來啊！」

「阿珍珠，攔緊著鞋哦，討出門啊！」

天甫光，日頭猶在睡，偃人歸屋下即目珠接接起腳行，共下去跋小中料山啊。路狹狹，草面上个露水吉開，得偃人个腳徑著，即歸串歸串輪落泥下，一粒一粒金箭箭像珍珠，全然靚！偃心肝內偷偷想：若用佢人來串一條珍珠毬鍊，送得阿依戴，毋知幾靚哦！

涼涼个風，一臨一臨吹來，路脣个花花草草，得佢吹到頓頭拗腰款款行禮，即像選戲臺嶼，出力表演个大明星共款。行到山下，阿妹招偃拚輸贏，輕麼儕會用先跋上山嶼尾。兩儕即恁頭掙掙，麼儕攏毋認輸，相爭拚向上。偃較大當然毋會用輸，歸路毋敢擋恬，鼻怩怩，大氣直直致，直直拚上山，跋到山嶼，心頭擲躑，佢跳到硬硬討恬去啊！

「哇！山嶼个風真涼呢！」睨落去，阿妹猶在半山腰，一個面頰卵紅激激，偃睨一下，廟个關公都無佢恁紅哦！一支嘴擘啊擘，又像狗么在敬氣，實在真心色，真好笑！

山嶼个風，特別清，特別涼，特別涼，風內底有東勢果子个香氣，有花花草草个清甜氣味，這風吹到人歸身快活，吹到人透心涼，進前跋山个艱難，到這下嘛做一下添放啊！樹嶼絡食个鳥吱吱喳喳，跳上跳落喊無歇，草墩个蟲毋願輸佢，嘛唧唧啱應聲。打早，山嶼即恁誠鬧熱滾滾啊！望向選山下，遠遠个東勢，到今猶蒙一緣紗，在濛內底睡猶毋知好醒咧！

「較緊，大家睜！真靚哦！」

東片个雲像點點胭脂，紅牙紅牙，紅牙退去，係千條萬條个金色光，對山个後背射出來，無幾久，一粒大火球，即對山頭跳出來啊，晟到人目珠擘毋會開，晟到濛攔緊藏身。日時頭个事頭，對這下正正式起頭！

企在山嶼尾，偃人盡量享受打早个光景，登高遠望个開闊視野，得人心情快活，得人知感恩，感恩大自然賜得偃人恁个好環境。阿估不時講：「早起來个鳥正有蟲好食。」到這滿，偃總算體會著這句事个意思啊！

【湖鰮】羅紫云原作

「羞羞羞，羞羞羞，無面見阿舅，阿舅打草鞋，湖鰮鑽入泥。」聽著這條念嘴貶<sup>1</sup>個時，黏時想著成過讀書遐時務，湖鰮隨得俚毋會添放個，遐發夢嘛會流口涎個福氣，到今猶清清楚楚。

湖鰮，麼個都食，係一種真特別個淡水魚，生活在溪底、陂塘、田底。暗火灰色，有烏斑，頭那細細，目珠嘛細細，猶有生鬚。臉身圓圓，三、四寸長，滑溜溜。肉質真幼，營養價值高，會用做藥，養身功效好，猶獨係一落真好個「桌心菜」，所以正有「水中之參」個講法哦！

較早個時，農藥無恁時行，若有水、有濫泥個所在，滿哪位即會有湖鰮，尤其係田底，一年四季攏有通收成，捉都捉毋會了。湖鰮滑溜溜，普通時無恁快捉。記得一年有兩擺頭好捉，一擺係「煎秋日」，嘛講「煎缺日」。立秋過後，天氣猶真熱，秋老虎若來，湖鰮得田水燒到頭那暈暈，走出來，睺現現，相賽擻錫桶在田底撈湖鰮，兩下半即一桶，暢到嘴合毋會假。猶一擺係冬禾割起來，收了後，作糞人會犁田，加泥坯搗起來得日頭炙，明年正會有好收成。

<sup>1</sup> 念嘴貶：音 neem zhe' been'；唸謔。

係怙係作糞人，到阿怙犁田遐下，俚即會擻錫桶，跔在阿怙後背撿湖鰮。俚目珠金，腳手緊，一尾嘛毋會溜走，不時嘛歸桶歸桶擻轉擻屋下，交得阿依發落。

阿依講：「湖鰮，大討愛供一兩日，得佢呸泥呸淨俐，撒一兜仔鹽落去，得佢泗泗個，佢臉身黏黏個□即會啟淨淨；擻來囹落鑊，用慢慢子火，款款烘燥，用盞裝起來；到討煮個時，撮一撮，囹一兜仔薑絲、七層塔、烏豆豉，擻滴一兜仔豆油落去，香噴噴個一盤上等湖鰮即出桌啊。」歸屋下大細即扭這盤「桌心菜」，密密挾無歇，遐即真落飯哦！不時愛加食幾下碗飯。

啊擻這嘛係俚個飯包菜。有一擺，一個城市好額個同學，食當晝個時行上行落，俚想這毋成菜歹勢得佢睺著，會見笑，飯殼<sup>2</sup>蓋擻緊揸<sup>3</sup>起來，無想著嘎扣佢錫過來，打強討試食。試食了後，幹頭，加自家個飯殼提過來，雞髀、煙腸做一下和俚換湖鰮，猶講：「妹子鬼！這恁好食個物件，仰子會自家偷偷食。」自這擺了後，俚個飯殼蓋毋識揸，因為俚知啊，俚有個佢無，佢有個佢無，大家相交換食個係一件真心色個事情。這嘛係俚第一擺食著煙腸，感覺真福氣哦！

成過便宜貴賤個湖鰮，這滿一斤嘎愛幾下百搵正買會著，時代正經改變啊！

<sup>2</sup> 飯殼：音 pon kog'；飯盒。

<sup>3</sup> 揸：音 keb'；掩蓋。

【擲牙】陳美燕原作

成過個時代，生活環境無現時恁好，衛生教育猶古普遍，大家對保護牙個觀念嘛無恁詳細。像佢，正晨早起來，洗一擺牙定，嘴擱豺，真愛食糖。所以，細子時，佢對自家恬恬牙疾个印象真深。

牙若疾起來，會愛人个命咧！細子啞到噉噉嘍<sup>1</sup>，大人嘛無奈無何。選時無麼个止疾个藥，阿依喊佢：「冷水含踎！毋好直直啞！」

講越啞會越疾。落尾，換牙選下，阿依吩咐，感覺舊牙有一兜仔搖，即愛用舌直搥<sup>2</sup>；績落，兩肢手指頭加牙搖得佢殿，毋會用張樣驚疾。若係毋認真搖，等新牙發出來，無位好企个時，「歸嘴牙生到歪膏泊杈<sup>3</sup>，選即稞樣啊！」阿依逐擺擺恁嚇佢。

小門牙膏選兩支「虎牙」嘛真要緊。阿依講若無較細義兜，暴出尖尖翹个「豬哥牙」來，選即壞了了啊！有時務，佢睭佢懶懶、無要無緊个形，歸氣提一條白卓線，加佢个牙編核核，出力一揪，牙即跣白線飛出來啊。上齡擲个牙，腳愛企齊齊擊去眠床下；下齡

擲个愛擊去屋瓦竦，講恁牙正生會齊正。

記得佢有一支後角个大牙，係得做「變把戲」个人擲莫个。選時，佢讀小學二年，有戲班來莊頭做戲兼賣藥。佢人賣一種止疾个藥水，講牙疾个時務，點落去會用止疾；牙擲莫了後來點，較緊收煞止血。佢問現場个細子：「有麼儂个牙殿殿無？佢加佢擲，毋使錢哦！」著面講著面行到佢个面頭前。奇怪呢！佢都無講討得佢擲啊！佢噉喊佢嘴學開，擎一支鋏，手腳伶俐即加佢个牙擲莫啊。落尾佢想，定著係企在後背个阿依偷偷加講个。

到較大漢來，了解牙个要緊，知愛斟酌細義注意牙个康健。真愛靚个佢，逐擺睭著自家个牙生到齊齊無歪去，正如愛勞力阿依選時恁有耐心教佢。

<sup>1</sup> 噉噉嘍：音 bbee` bbee` bui`；哇哇叫。

<sup>2</sup> 搥：音 su`；推。

<sup>3</sup> 歪膏泊杈：音 uainn` goo` ci` ca`；歪斜不正。

【蹶山】劉玉蕉原作

天吉光，狗吉吠，阿姆斯叻咧！「阿榮啊，好貽起咧，日頭愛出來哩喲！」

「阿珍珠，遽遽著鞋哦，愛出門哩喲！」

天甫甫光，日頭還在該睡，佢兜一屋下斯目學孳仔起腳行，共下去蹶小中崙山咧。路狹狹，草面頂个露水吉散，分佢兜个腳徑啊著，斯歸串歸串碾落地泥，一粒一粒金晷晷像珍珠樣，靚到奈毋得！佢心肝肚偷恠想：係用佢兜來串一條珍珠敲鍊，送分阿姆戴，毋知幾靚哦！

涼爽个風，一陣一陣吹來，路脣个花花草草，分風吹到領頭攞腰緊行禮，斯像該戲臺面頂，落力表演个大明星共樣。行到山下，老妹湊佢拚輸贏，唔麼人做得先蹶上山崙頂去。兩儕斯恠樣頭磬磬，麼人都毋認輸，相爭拚往上。佢座大當然輸毋得，歸路毋敢停跔，鼻噴噴大氣緊攸，直直拚上山，蹶到山頂，抓等心肝，佢啊跳到硬硬像會恬忒樣！

「哇！山頂个風當涼哪！」睜往下，老妹還在該半山排，佢面頰卵紅啾啾，佢睜下，廟肚个關公都無佢恠紅哦！一張嘴擘啊擘，

又像細狗仔在該放氣，實在有罇古董，有罇好笑！

山頂个風，特別清，特別涼爽，風裡肚有東勢果子个香氣，有花花草草个清甜味緒，這風吹著人歸身鬆爽，吹著人透心涼，進前蹶山个艱苦，到這下也做下毋記得咧！樹頂絡食个烏仔吱吱喳喳，跳上跳下唱無停，草窠个蟲仔毋願輸佢，也唧唧滾應聲。打早，山頂斯恠樣鬧熱煎煎咧！眺望該山下，遠遠个東勢，到今還蒙等一層紗，在濛紗煙肚睡都毋知好醒呢！

「遽遽，大家睜！還靚哦！」

東片个雲像點胭脂个樣，紅霞紅霞，紅霞退忒，係千條萬條个金色光，對山个背後射出來，無幾久，一粒大火球，斯對山頭跳出來咧，晟到人學毋開目，晟到濛煙遽遽掩身。日時頭个事頭，對這下正正式起勢呢！

企在山棟頂，佢兜放勢享受打早个光景，登高眺望个開闊視野，分人心情快活，分人知得感恩，感恩大自然送分个恩恠樣个好環境。阿爸長透講：「早貽起个烏正有蟲仔好食。」到這下，佢總算體會著這句話个意思咧！



【鮑鰍仔】羅紫云原作

「差差差，差差差，無面見阿舅，阿舅打草鞋，鮑鰍鑽入泥。」聽著這首童謠時，旋風想著頭擺讀書該下，鮑鰍仔，帶分偃永久記憶，發夢就會流口水个幸福，到今還清清楚楚。

鮑鰍仔，麼个都食，係一種當特別个淡水魚，生在溪壩、陂塘、田竇肚，深灰色有烏斑，頭那細細，目珠也細細，還有生鬚，臍身圓圓3、4寸長滑溜溜，肉質當幼，營養價值高，做得做藥仔，顧身體，功效好，還較係一品當好个「桌心菜」，所以正有「水中之參」个講法哦！

較早該下，農藥無恁時行，斯愛有水有濫泥个位所，滿哪仔就會有鮑鰍仔，尤其係田竇肚，一年四季都有好收成，捉就捉毋忒。鮑鰍仔滑溜溜，平常時無恁該捉，記得一年有兩擺盡好捉，一擺係「煎秋日」，也講「煎鰍日」，立秋過後，天時還當熱，秋老虎出現，鮑鰍仔分田水燒到昏昏哆，走出來睺現現，相賽擺等錫桶在田町撈鮑鰍仔，兩下半斯一桶，暢到嘴合毋擊。還一擺係冬禾割起來，收冬後，耕種人會犁田，膠泥坯搗起來分日頭炙，來年正會有好收成。偃爸係耕田人，到阿爸犁田該下，偃就會擺等錫桶，珍等阿爸

後背拈鮑鰍仔，偃目珠金，手腳遽，一尾也毋會漂走，長透乜歸桶歸桶擺轉屋下，交分阿姆處理。

阿姆講：「鮑鰍仔，愛養成兩日，分佢呸泥呸淨來，放兜鹽落去分佢涸涸仔，佢臍身黏黏瑜膏个就會皎淨淨，正來放落鑊孃孃肚用柔柔仔个火，慢慢仔焗燥來，用盞仔張起來，到愛煮該下，撮一撮，放兜薑孃孃絲、七層插、烏豆豉，過滴一點點豆油落去，香噴噴个一盤上等鮑鰍仔就出桌咧。」一家大細斯撒等這盤「桌心菜」，密密挾無停，該斯還扯飯喔！長透愛食加幾碗飯。

還過這也係偃个飯包菜，有一擺，有一個都市好額个同學食畫該下行上下，偃想這毋成菜敗勢分佢睺著，會見笑，飯兜蓋仔煞煞揸起來，無想著嘎錫來佢个注意，強強愛試食，了後，幹轉頭，膠自家个飯兜仔提過來，雞髀、煙腸做下膠偃換換鮑鰍仔，還講：「孤盲孃，這恁好食个東西，仰好自家偷偷仔食。」自這擺過後，偃个飯兜蓋仔毋識揸，因為偃知咧，偃有个佢無，佢有个偃無，大家互相交換食，係一件當心色个事情，這也係偃第一擺食到煙腸，感覺還幸福哦～

頭擺便宜過火灰个鮑鰍仔，這下一斤嘎愛幾百銀正買得著，時代正經變咧！

【擲牙齒】陳美燕原作

頭擺個時代，生活環境無現下恁好，衛生教育還言普遍，大家對保護牙齒個觀念也無恁詳細。像佢，斯晨早頭盥起洗一擺牙齒定定，嘴又豺<sup>1</sup>，當好食糖仔，所以，佢對自家做細人仔個時節，輒輒牙齒疾個印象當深。

牙齒一疾啊起來斯會收命哦～細人仔嘍到噉噉殺天<sup>2</sup>，大人無結無煞。該量時無麼個止疾藥，阿姆喊佢：「冷水含等！毋好緊嘍！」講越嘍會越疾。背尾，換牙該下，阿姆吩咐，試著舊牙有滴仔搖，就愛用舌嫵緊搥<sup>3</sup>，續等，兩枝手指拈等牙齒搖分佢敲<sup>4</sup>，做毋得癢嘍<sup>5</sup>驚疾。若係毋煞猛搖，等新牙暴出來無位仔好企個時節，「歸口牙齒生到歪哥泊杈<sup>6</sup>，該斯媿<sup>7</sup>哪～」阿姆逐擺恁樣嚇佢。

細門牙旁脣該兩枝「虎牙」也盡重要，阿姆講無較細義兜仔，暴出尖尖翹個「豬哥牙」來，該就壞蹄咧哪！成時，佢睜佢解解

1 豺：音 sai；貪吃。

2 噉噉殺天：音 ve vong sad tien；大聲哭喊。

3 搥：音 sung；推。

4 敲：音 lud；鬆脫。

5 癢嘍：音 rhiong' vo；嬌慣，動輒大叫。

6 歪哥泊杈：音 uai' go ci' ca；歪斜不正。

7 媿：音 zhe；醜。

怠急<sup>8</sup>、無要無緊樣仔，將就提一條白車線，膠佢個牙齒綯綯<sup>9</sup>，出力一掙<sup>10</sup>，牙齒就跔等白線飛出來咧。上顎<sup>11</sup>擲着個牙齒，腳愛企比比<sup>12</sup>擲去眠床下；下顎擲着個愛擲上屋當頂，講恁樣牙齒生着正會齊。

記得佢有一枝後角個大牙，係分做「撮把戲<sup>13</sup>」個人都忒個。該量時，佢讀小學兩年生，有戲班仔來莊頭做戲兼賣藥仔。佢兜賣一種止疾藥水，講牙齒疾個時節點落去做得止疾，牙齒擲忒了後來點，較遽收口止血。佢問現場個細人仔：「有麼儕牙齒敲敲無？佢膠佢毋使錢喔～」一頭講一頭行到佢個面頭前，奇怪咧，佢就無講愛分佢擲啊！佢嘎喊佢嘴學擊打開，擎一枝鋏仔，手腳伶俐<sup>14</sup>就擲佢個牙齒擲忒咧。背尾佢想，定著係企在後背個阿姆偷偷擲佢講個。

到較大來，了解牙齒個重要性，曉得細心細義注意牙齒個健康。當愛靚個佢逐擺睜着自家個牙齒生到齊齊無歪忒，正知愛承蒙阿姆該量時恁有耐心教佢。

8 懈怠：音 hai' tai；鬆懈。

9 綯綯：音 to hen hen；綁得緊的。

10 掙：音 dui；用力拔。

11 上顎：音 shong' ngong；上顎。

12 比比：音 be be；齊。

13 撮把戲：音 cod ba' hi；雜耍戲。

14 手腳伶俐：音 shiu' giog' lang li；動作乾淨俐落。